

**28 IULIE**

**RUGACIUNEA 2**

**SF. IERARH**

**PITIRIM AL TAMBOVULUI**

**Молитва**

Благословен и препрославлен Господь Бог, призвавый тя, святителю отче наш Пителиме, от перваго часа делателя в виноград свой, явивый в тебе послушание воли его неуклонное, ревность Предтечеву и любовь Павлову, таже и на свещнике церкви Тамбовския ты поставивый и архиерея велика ты показавый. Благодатию святительства укрепляем и огнем любви Христовы распалаяем, не дал еси, пастырю наш добрый, сна очима твоима, ниже веждомя дремания, на всяк день труждася, моляся и благовествуя, неверныя просвещая, заблудшыя вразумляя, падшыя возставляя, немощныя укрепляя, плачушыя утешая, всем быв вся, якоже и святой Павел, да всяко некия спасеши. Егда же время делания твоего в вертограде домовладыки Христа исполнися и отшел еси от земных в селения горняя прияти мзду трудов твоих, дадеся ти, угодниче Божий, престолу

Царя славы с лики святых предстояти и оттуду паству твою назирати, за ны грешныя молитися, немощи немощных носити, недуги целити, скорби утоляти. Сего ради от дне блаженнаго успения твоего вернии не престаша притекати к тебе в скорбех и болезнях, и овии прикосновением ризы твоей, овии от воды из кладязя твоего здравие и избавление от всяких бед улучаху. Темже и ныне, к цельбоносному гробу твоему сошедшеся, славим Бога, дивнаго во святых своих, и тебе отче священнейший, величаем и молим: не отступай от нас любовью твоею, сохраняй молитвами твоими церковь православную незыблему от неверия и раскола, державу же Российскую от бед и напастей защиты, мир и безмятежие той даруя, пастырем церкви святых благопоспеси, дела рук их исправи и ревностию о спасении врученнаго им словеснаго стада сердца их распали, вся же ны в послушании спасительному благовестию Христову соблюди и дело спасения, яко едино на потребу, вменяти помози, да тобою единими усты и едином сердцем вси на всяк день и час поем и славим Спаса Христа со Отцем и Святым Духом во веки веков. Аминь.